

PRESS – ONLINE

Publication	Hmetro.com.my	Day/Date	Thu, 9 May 2024
Section	Mutakhir	Pageviews	11,600,000
Headline	AS hargai komitmen Malaysia banteras keganasan		
URL	https://www.hmetro.com.my/mutakhir/2024/05/1088653/hargai-komitmen-malaysia-banteras-keganasan		



AS hargai komitmen Malaysia banteras keganasan



Kuala Lumpur: Amerika Syarikat (AS) menghargai komitmen negara dalam membanteras aktiviti penggubahan wang haram bagi membiayai kegiatan keganasan.

Menteri Dalam Negeri, Datuk Seri Saifuddin Nasution Ismail berkata, penghargaan itu dinyatakan sendiri oleh Setiausaha Rendah Perbendaharaan AS bagi keganasan dan risikan kewangan, Brian Nelson semasa pertemuan mereka di Putrajaya hari ini.

"Dalam perjumpaan berkenaan saya turut mengambil peluang memaklumkan mereka (wakil AS) mengenai perspektif negara mengenai perkara berkenaan termasuk dari segi politik, perundangan, penguatkuasaan serta kerjasama serantau.

"Saya juga berkongsi pelan strategik lima tahun Kementerian Dalam Negeri (KDN) bagi menangani perkara berkaitan keganasan dan mereka mengambil maklum mengenai perkara itu," katanya pada sidang media Majlis Penghargaan pameran Perkhidmatan Pertahanan Asia (DSA) 2024 dan Keselamatan Kebangsaan (Natsec) Asia 2024 di sini hari ini.

Menurutnya, delegasi AS berkenaan turut menyatakan kebimbangan mengenai kegiatan beberapa pertubuhan di Malaysia namun beliau menjelaskan bahawa pertubuhan terbabit sudah dikenakan tindakan.

Katanya, beliau menegaskan bahawa Malaysia mempunyai undang-undang yang kukuh bagi membanteras sebarang aktiviti keganasan selain terbuka untuk bekerjasama dengan mana-mana pihak atau negara yang berkepentingan.